



敘

海虞瞿有仲馮竇伯皆以一日之長事余余皆愛而重之以爲不當弟子列者也二子者其家貧同其孝弟同同讀書博古學聖人之道同不應科舉又同能爲詩然余常論二子與其詩矣有仲性踈而情上負抑塞磊落之才古之狂也故其詩哀以思直而能廉深於國風者也竇伯智深而勇沈懷澹泊寧靜之德古之狷也故其詩和而莊怨而不怒深於小雅者也二子亦以余爲知言余老矣竊



自懼白首無成將於烏目之麓尚湖之畔結茆數椽招延名人魁士論學求道續修微言以待來者而以二子爲都講乃不謂二子先後來辭同爲遠遊有仲涉長江渡洞庭而走滇南而竇伯亦且囊書橐筆爲入都門計天南地北相去萬里余欲尼之而不可得也無已則請贈之以言以壯其行古者男子生三日射人以桑弧蓬矢六射天地四方明其所有事也孔孟轍環列國席不暇煖退而著書立言昭示萬世漢唐以還司馬遷韓愈李白杜

甫之徒窮年浹歲馬蹄轍迹幾徧天下其見於筆墨文字之間鏗鏘發金石幽渺動鬼神往往得山川之助焉是故不出戶庭闕觀如女子君子恥之今有仲所遊碧雞金馬銅柱朱厓之地吾未之知也若夫江淮以北黃河之大泰山之高余計偕時常驅車其處由今思之蓋七閩矣竇伯過而問焉鄒魯文學之儒燕趙悲歌之俗尚有存焉者邪詩曰彼都人士狐裘黃黃其容不改出言有章立乎今日以指疇昔威儀文物之盛有以異邪無以異

邪才如竇伯弔荆卿之遺蹟想郭隗之高臺得毋  
有悠然而思慨然而賦者邪竇伯行矣余特書此  
弁其詩集并錄一通寄示有仲以爲何如也蔚村

陳瑚撰

敘

余向以詩乞敘於東澗先生有懷中四本心何限  
之句每俯仰於鍾士季而不能自己云然竊怪當  
時名人碩士不爲少矣而士季亦一時作者其爲  
四本論何獨急於嵇公之一見將使之見又何惴  
惴於其問難以至遙擲而急走且不知嵇公見之  
是非勘辨定復何似也然而小巫大巫文人瑟縮  
之意自疑自信茫乎不能自持臨川王著此數語  
神理曲盡而文章難易之故正未許淺人索解矣

昌黎不云乎小稱意人小怪之大稱意即大怪之  
小慙者蒙謂之小好大慙者必謂之大好衆口悠  
悠曾何足信士季之欲嵇公見之者非其人宜勿  
使見也旋而畏其難者非其人莫能難難亦無足  
畏者也或謂子建之言曰僕好人譏彈其文有不  
善應時改定而少陵又言文章千古事得失寸心  
知然則二者之言非與余以爲鍾魂鍊魄痛痒難  
名輕重因心權衡在握信已信人無非俊助士季  
誠其心以豎義虛其心以竄影殆有疑信相反而

虛實相須者是未可軒輊其間也余友馮子竇伯  
好古博學筆瓢晏如爲詩出入蘇李下上庾鮑信  
所稱窮而工者矣頃出遙擲橐索序余不知竇伯  
之眎世其有嵇公邪果難我之足畏邪否邪挾是  
編以遙擲也其將爲子建之好人譏彈邪爲少陵  
之寸心千古邪抑二者互有之邪余不習於文辱  
竇伯之命聊引士季之事以復之竇伯亦質諸當  
世之爲嵇公者而可也戊申中秋陸貽典書

敘

歲辛卯同吾友梅仙錢子讀書隱湖時隱湖號多  
士四方賢豪無日不至余性落落不苟合人而人  
亦難合於余而稱友者少獨與馮子寶伯善寶伯  
爲人恬靜自愛不妄言笑讀書喜詳盡僻句難字  
罔不識憶嘗與梅仙讀書有不記所出者輒曰俟  
馮子至乃解至則果然其學詩先於余撚鬚苦吟  
刻斲以出余目爲賈長江而馮子亦以自喜曰不  
爲斯世詩足矣唐號詩人豈獨太白哉以人比余

似太白故云然隱湖次君補仲豪爽好客余過其  
室而梅仙竇伯無不在相與談道說書摩秦漢石  
刻觀宋元名人畫以至鳴琴擊劔博簫圍棋無所  
不極以爲笑樂或日一至或再至斯時意謂吾輩  
氣味相聚所固然耳未幾補仲天余去隱湖而馮  
子亦以貧故奔走衣食無停晷追思曩事邈不可  
得良可悲也憶癸巳仲秋飲於補仲看山書屋是  
夜皓魄當空萬里一色移坐就月酒酣梅仙論方  
輿地圖補仲辨天文星變余談兵法竒正古今名

將韜略往來反復各道所見余時大醉心壯氣雄  
慨然曰封侯丈夫事也吾輩竒窮非得竒富貴不  
可倘走萬里建竒功信眉於海外奮志於絕域二  
三子其從吾遊乎馮子起而笑曰果爾子且爲君  
磨楯鼻作燕然銘因起舞悲歌呼叫大噓時坐客  
有吹洞簫者余作長短歌和之嗚咽上下至有出  
涕者此幾何時哉而死者死散者散非徒賢人君  
子共出建業之難即一二窮交故友求其久存而  
聚首接袂亦不可得顧視身世其何如也今夏梅

仙從隱湖來挾馮子寄余詩囑余爲其敘夫余好  
詩而未至者其何敢敘且詩固馮子家學也四方  
遠近皆知有馮子奚待余言余因梅仙之別不能  
不悵然特敘其交遊之盛衰離合之無定以報馮  
子意馮子亦必泫然而興悲也已同學弟瞿有仲  
撰

香草吟

并序

海虞馮武竇伯

武竹馬之年不好他戲唯聚花牋作掌大本子  
依依先君子膝下乞硃書題其顏先君子援筆  
含笑而書香草二字武請其義曰童子拾其香  
草耳今風木之感忽越數載武犬馬齒拔仲華  
封侯日又六襍矣兀兀終朝功業不建煢居孤  
苦沾沾焉好爲詩歌小篇且不自知其言之醜  
也而存錄之猶是竹馬之年之童心矣太歲壬



辰花朝述

野眺

茫茫一望碧無瑕  
斷續村墟幾處花  
鳥壓危枝臨釣艇  
風歌踈葦露漁家  
田頭水急魚翻入  
岸脚泥崩樹半斜  
最是畫工難畫處  
出門無礙是天涯

賦得冬嶺秀孤松

押冬字

蕭瑟含煙嶺青葱  
拂漢松根蟠崖石  
老枝受曉霜濃廬  
岳形如鹿嵩山態  
似龍雪消香更潤  
日照影還重舒慘  
難移操榮枯不改  
容歲寒如覓侶古  
檜

亦經冬

呈確庵師

得御經鋤久淳然  
太古初瓶儲陶令  
粟草束鄭公書萬  
事燈前兩三間花  
外廬漢秦都未曉  
甲子記應踈

暖喜堂即席限韻

雲深精舍有誰過  
此日雙扉啓薜蘿  
湘席蠟殘飛玉盞  
竹林人散有金波  
朱欄曲繞能言鴨  
碧沼輕浮換字鶯  
却爲詩遲拚酩酊  
醉餘身卧綠陰多

早春

溪水溶溶漲一篙春風忽已到蓬蒿天公不解人  
情薄留下殘梅伴早桃

帆仙北遊贈別

行路誰知行路難浪遊踪跡總無端曾因卜肆談  
忠孝更欲雲程振羽翰觴咏忘機天幕近襟期無  
礙世途寬江山自古多遺恨踏遍江山不忍看

贈梅

飽雪含霜始到春嫩寒先見一番新多君占斷深

谿路不似村桃引外人

竹窻

涼風吹細雨斜洒秋園竹  
棊几積殘書林光映窻  
綠兩間本廓然人生自榮辱  
蝸涎迹縈回兩角戰  
蠻觸蟻路直如繩來往何陸  
陸丈夫自有志安能  
依衆族

即席贈祝懷伯

京兆風流屬耳孫燈前笑語接清尊  
蒼茫煙月浮雲外萬疊波光一水村

落梅

飛逐春風盡向西枝橫如鐵影淒淒嚴霜苦雪空  
嘗遍忍向芳郊襯馬蹄

和梅仙四堪詩

次韻

舉世爲田累無田直似仙與農憂賤穀爲世祝豐  
年昔羨連阡陌今看被朴鞭此時堪受處一餓得  
高眠

舉世爲官賤無官洵可尊王公難屈節黎庶不蒙  
冤朝擁巖郎坐昏趨獄吏門此時堪傲處瀟灑古

荒村

舉世爲名誤無名始得閑是非超稼圃禮法恕踈  
頑馬足驅馳倦侯門拜謁艱此時堪樂處隨地是  
深山

舉世爲錢役無錢適自安不言非自矯有命敢徒  
干坐惜季倫死行看郭況殘此時堪守處寤寐得  
心寬

猛虎行

慘雲長斂寒山黑尖風著體如刀逼斑身白額踞

中林飛廉颺颺張羽翼雷吼一聲天地驚狐威不  
震兔藏形虬鬚壯士號勇猛空手曾誇窟裏行素  
威未見心先戰却恨多傳搏虎名君不見漢苑異  
獸大如狗猛虎見之不敢走

寄贈黃吉州攝六先生

曾從騷雅見風流甲子而今始一週姿格猶標劫  
火外勛名難爲祀天留盡驅悲憤歸蓮社却喜逍  
遙悟芥舟唾遠枕高應記取相期攬袂逐浮丘

燈花

連槃同樹影交斜蘭室光青漸吐芽鳳剪可能留  
短燄粉蛾無事犯輕紗月涵丹桂何妨白火燎雙  
芝更似霞若個深閨千里別佳人拜罷却教遮

追和元僧用潛五渠詩

喧喧聚落枕溪斜煙柳深籠兩岸沙滄海入江多  
置滄青山臨郭好爲家耘苗叟識狼尾草泗水兒  
探鋸鼻蝦最是新秋風景好蒹葭踈處露荷花

九月桃花

洞裏東風尚畏秦如何霜下落英新朱顏索寞相

思久錯道秋深是仲春

燭即席分賦

珊瑚然欲盡珠淚滴玫瑰光到忽生影心明任作  
灰花因賓至喜痕爲賦遲催夜半教移炬金盤貯  
落煤

歲暮晨起長句

檐溜寒凝冰穗長尖風著體利于鉗陽鳥忽忽憑  
誰繫天網恢恢枉自張煙霽深林還宿鳥日高衰  
草未消霜思量只合長無睡不共他人夢裏忙

立春

玄馭宵來盡青幡曉起迎水煙經雨重雲影過峯  
輕習習風無力遲遲日有情傷春春易去回首別  
晨正

舟中口號

六言

渡口舟迴春浪林梢鳥度斜曛自去自來流水疑  
風疑雨浮雲

贈寒明殷先生

名時衡字介平茂苑人

爲到人間了宿緣風塵過盡鬢蒼然目經殘蠹數

千卷身歷承平六十年醉客不勞遺屈酒狂夫空  
自與袁泉朔風吹去陽和在休逐雲端事上仙

冬白紵歌

高陽北駕玄轡速冬宵迢遞蘭膏促綺牖青牕洞  
戶深嚴飈不透寒肅肅流霞初落凍玻璃忽墮嬋  
娟皎似玉迴風逐雪繞瓊筵銀袍楚楚更翩翩錦  
江誰濯鮫綃色却是吳娃白紵鮮霓裳曲罷嬌無  
語坐客停盃賦白紵白紵歌成天未明睡鴨香消  
獸炭傾

澄湖招隱

弱齡遇大難完卵寄田園田園風景好憂患差可  
誼帶經鋤曉露荷鐮月當昏凍子衣百結飢妻日  
一飧勞勞生不聊相讓默無言不見當世士羊腸  
鏡攀援行行畏豺虎欲語聲又吞但恐失勢位夜  
夢無安魂折臂五斗米孰若守柴門昨日澄湖叟  
相邀過南村場圃酌春酒天地曠無樊開襟但酌  
酹其餘非所論

哭妻弟毛補仲

平生甚知已知已形迹踈獨與毛仲子暫別不須  
更我言子首肯子意余不殊豈知朝露晞一旦委  
琴書微塵封几案冷室夜牕虛相知在素心親戚  
是其餘子期既不作拂琴空欵欵君死余痛心余  
死誰哭余

問牧雲和尚

向知有此身生存死則止自聞佛說法輪轉浩無  
已火宅苦未央蓮邦樂難比頓起厭離心願除煩  
惱累粗持五戒綱堅守四字旨道岸雖云遙慈航  
信可恃第從無始來無始終有始不知始若何始  
者果誰是一疑不去懷願公垂指示

附訓問

釋通門 牧雲

六合古茫茫人物何時止智者了生性坐觀一  
笑已先佛妙菩提莊嚴世無比岷江觴水鍾華  
嶽簣土累但堅一念信自澈半偈旨寶山期必  
登乾城非可恃佛祖證無生隨世說有始朗然  
大覺中無非亦無是日用甚彰明君聽我垂示  
遊華山次含光法師韻

參差樓閣繞千峯蓮子巖前得放筇古像蒙塵松  
影暗曉牕經露桂香濃藤蘿久護幽人筆山石多  
趙凡夫  
父子題名泉石長拋隱士蹤寺旁有朱  
白民精舍初入不諳名勝  
地後遊應記昔遊重

憶子茂

姓周氏名留林解元光宙孫

既離塵垢復遺名白石滄江獨自行叔度經年猶  
未見知余鄙吝若何生

送仲父鈍吟公赴廣平

二首

珍重前途欲暮時風塵策杖長年遲愛吟應得江

山助吟就江山却賴詩

南北烽餘兩地殘雁鴻頻遣報平安素憑忠信泗  
懸水爭向人歌行路難

採菱歌

輕雲卷秋風淺波迴檜楫粘香蘚手撚菱絲脆似  
腸脉脉片陰花影轉苧蘿未遇五湖人容與心情  
多偃蹇早菱初起纖角軟纖角軟慵來剪

雨中雜咏寄確庵師

向日葵



辛勤衛足根猶在宛轉當階日未來可惜秋風兼  
夕雨此心應向阿誰開

白頭翁

立久寒煙神色慘啼深秋兩頂毛摧由他元遜輕  
頭白曾見春和麗日來

桂花

蕊涵秋雨菜籠煙得得香濃滯遠天莫訝荆蓁荒  
桂苑花開經雨已多年

確庵師和

太陽照物本無私爭奈義和得馭遲消受淒風

并苦雨孤心端不要人知

向日葵

啼殘花下三春露叫破枝頭五夜霜秋雨離襟

還自語笑他鶯燕爲人忙

白頭翁

天香蕭瑟雨中開漠漠秋雲暮色催只恐金風  
易憔悴可能留得一枝來

桂花

燭二首

珠淚垂如語冰紈映似霞空將合歡意開作並頭  
花

不語暗垂淚有心還自燒成灰只此夜安得待來朝

秋原雜興

無端心緒欲如何蕭瑟荒郊傍晚過耕破田園曾  
甲第拋殘齒骨爲兵戈畫橈秋水悲羌管古廟西  
風覆女蘿村落無煙禾黍靜暝雲輕掃夕陽多

贈裝潢錢孝君

名忠悌吳人

苟全末技已艱難過眼紛紛不忍看數載亂離妻  
子在一山風雨薜蘿寒從教歲至憂無褐却爲嗟

來不受殮滄海向來桑復長無端精衛獨心酸

送確庵師偕愚古西山看梅愚古今臯羽

也

一望吳山便解維香風細浪路委蛇特將臯羽冬  
青淚同味逋翁踈影詩偶觸虛舟淹住久別逢故  
友話言遲遙知踏遍千林雪偏愛孤峯一樹奇

贈南雲開士

忽地拋家幾十春麻鞋藤杖日相親雙眸靜看人  
情異兩足常嫌世路新習氣尚尋知己士慈心空

憫失途人西歸幾萬由旬路却欲從師問要津

搔首

思量常自笑忽忽眼底升沈總屬空四序時光何  
去住一天風色孰雌雄死生若箇爲真宰變幻其  
誰是化工種種人情渾不解一回搔首問天公

尋梅不得

信步山間又水隈松濤如海土如灰新年第一新  
煩惱却爲尋梅不得梅

暮歸

隱隱山將失微微星漸來煙村何處所一棊獨徘

徊

雜感二首

籊籊北園竹年深斫已踈連宵冰雪厚摧折更無  
餘

羣雀棲枯枝宛如菜未脫誰家稻梁多忽去不可  
過

月下懷有仲時浪遊雲南

此夕悲吾友天南遠曳裾匆忙辭我日慘淡送君

初易別一宵夢難通萬里書  
可堪秋月下獨坐二更餘

送伊人北遊

渺渺雲天護遠峯  
征檣分手水溶溶  
磨礮已識人如玉  
雷雨方知劔似龍  
同向河汾談夜月  
獨遊京洛聽晨鐘  
孫陽拭目須騏驥  
豈有追風不面逢

三吳山水歌贈王石谷

三吳秀山水畫筆多名家  
名家非畫工抱德劭而嘉  
前有石田後有石谷  
胸次悠然其人如玉越春

秋兮百有餘  
搖筆端而齊軌躅  
寫遠峯點枯木鋪  
秋濤布修竹  
凝神運思斗室中  
盡人間之窮崖怪  
石疊浪層波歸尺幅  
廬山高洞庭綠  
人生不盡三萬六  
滄海於今多翻覆  
安得策杖遍五嶽  
扁舟濟百瀆  
欲倩王君楮墨間  
掃除容膝懸我前  
飛嵐煙響流泉卧遊  
不受身世牽  
此日君年正英妙  
運筆竒穎亞石田  
君若遠届沈叟年  
城郭人民幾變遷  
風塵歷盡筆逾老  
上超摩詰陵米顛  
重展舊圖應歎息  
世間不變惟山川

樂飢詠

并序

海虞馮武竇伯

覆巢之下遺卵倖完顛沛流離備嘗艱苦生非  
所欲遑問家事乎寄迹江濱一席地傍水竹以  
爲居妻子衣百結室無甌石儲雖遇豐歲亦或  
累日不舉火得麤糲則欣然共飽之室人習慣  
若自然不以爲苦也無聊賴則發爲謳吟旣甚  
師承且弗克多讀書惟略寫其意之所欲吐而  
不敢吐者工拙非所計焉乙未中秋自述

冬日卧病口占

神消萬慮攻目眩耳淙淙弟妹家三處妻兒布一  
重憎風欺瘦骨愛日養衰容裹飯誰相慰柴扉碧  
蘚封

出門皆有礙二首

出門皆有礙閑步愛山空蒼巖晒白日叢棘吹寒  
風壞窟狐兔去古寺雲煙中鳥道細如綫瘦藤力  
未窮

出門皆有礙湖海地偏寬帆影沒天際漁人立釣

灘離雲遠山小浴浪眠鷗寒人煙眼底盡靜聽風  
濤喧

秋水二首

溶溶漾漾秋清淺藻荇交加浪亦微瑩澈夜連荒  
寺月空明曉浸野人扉孤帆遠去輕無迹飢鷺斜  
窺白有輝何處滄江踈雨後一竿閑立釣魚磯  
涼天寥廓水澄泓墮葉隨流映骨清碧落有情千  
里近蒼葭無際一舟輕雲移藻影遲明月風感波  
紋點落英何事頓令拋萬慮晴江倒浸遠山橫

獨坐二首

秋風入書幌反照去林臯  
寂坐覺人語新寒欺布  
袍自來甘偃蹇何事更  
蕭騷因憶蒙莊旨不材  
斯不勞

雞犬村墟近輕寒獨坐天  
水田秋月影茆屋夜炊  
煙露沃芙蓉逕風侵禾黍  
顛吟來多未穩幾度不  
成眠

月夜

窻虛四面啓儘放月窺牀  
卧讀分蠅字驚禽語樹

霜新香寒桂影涼夢覺秋  
光若箇居心淨無雲澈  
夜長

虎丘坐月

一片冰霜影紛紛入寺門  
露寒絲管散獨自照山  
根

桃源澗觀水

山麓雨初歇泉聲聚澗坳  
寒流過石面白影下松  
梢

遊天池過徐元歎落木庵

高蹤遠人境古道入桑麻樹隱前朝寺山圍處士  
家松扉開澗曲藤杖策雲斜偶問人間世無言只  
自嗟

池畔吟

田田蓮葉風輕卷榴花照眼波清淺垂天雲起阿  
香過啞啞魚兒食雨點

贈牧雲和尚

積雨催殘菜逢師湖上村道親分鹿苑名早壓雞  
園五蘊空無著六塵淨不煩黃花兼翠竹相對總

無言

荅

通門牧雲

訪舊逢新契天寒雨過村語投摩詰坐人在給  
孤園霜菊堪留玩天華自不煩篆煙趺足處彼  
此一無言

重九夜同外舅潛在先生登劔門

登高夜上劔門嶺數乘籃輦次第行礪度暮鐘孤  
寺近地沈寒露萬家平月生海底秋巖白徑入松  
林人影清把火遊山豈無爲洛陽俗吏漫相驚



雨夜獨坐

寂坐不能寐一編消五更孤燈照寒色細雨滴愁聲世路自多險天心豈不平紛紛千載事得失各分明

同有仲夜話

一年幾度見此夜話連牀歌哭互相解飢寒各自傷荒雞逗曉雨孤燭滯殘光珍重平生志相期未可忘

山行尋僧舍

城郭淒迷沒野蒿荒巖孤杖路迢迢半山殘日無窮恨不向空門不易消

秋日祖仁過訪有贈次韻奉酬

木槁灰寒已有年滄江坐看換桑田風清楊柳當秋水日照芙蓉散曉煙戶外更無長者轍渡頭時繫故人船餘生莫惜長相聚醉插黃花滿鬢邊

秋日過筠溪因題

菜 裕 祖仁

幽棲真是武陵源遶屋桑麻接野田楊柳小橋低跨水芙蓉深岸半籠煙山頭遠樹藏僧舍渡

口橫波轉釣船岸幘獨尋堤上路棹聲咿軋夕  
陽邊

同梅仙錢子師周瞿子留題雲半居

結伴不尋歌舞地閑行信步得僧房水明山外半  
天白人語松顛一嘯長寂寞荆扉依古樹嶙峋蘚  
壁下斜陽下方春色在何處謾謾風聲遞晚香

和田家苦次外舅潛在翁韻

數椽懸磬草蕭蕭土著難移莫避徭罷役歸村猶  
佩犢無牙侵粟却憎猫一年秋穫同雲散連歲官

租似火燒誰道江南真樂國幾番辛苦一枝苗

再疊韻和田家樂

斷續村煙接艾蕭傳聞新令減煩徭鉏田鋤鋤勝  
霜劍逐鼠驩駟讓跛猫但覺新秧添野綠不知炎  
日逼人燒晚涼脫笠呼鄰叟狂飲團團藉草苗

三疊前韻和喜雨

一天風雨下葦蕭勝似公家免重徭甕牖涼生閑  
襪襖繩牀草濕睡狸猫急流排岸忽忽去返照迎  
雲片片燒穉子驟看溝澮滿共艾園竹漉魚苗

夕陽

弱草塵棲一片煙眼中陵谷暗潛然夕陽自古郊  
原晚只換耕人不換田

幽居

幽居甚俗慮落戶即天涯乍雨無定水新晴多曉  
霞一宵昌谷筍滿地邵平瓜草徑絕來客青袍覆  
落花

過遵王臨水居

偶向青霞洞府過脩然仙侶對雲窩一枰未竟旋

回步却恐暑間又爛柯

時遵王與武伯對奕

送確庵師遊楚

洞庭雖在望客路自重重寒到鬻熊國心悲書社  
封古來已如此今者更何庸知己天涯在同看十  
二峯

山塘即事

一路名園柳拂堤春波不定落紅遲笙歌畫舫當  
風至吹得松花入酒卮

贈願雲禪師次確庵師韻

脫却儒衣換衲衣寒鐘古寺淡忘歸雲離澗底山  
容淨月墮松顛鳥語稀面壁枯疑入定去臨崖危  
欲向空飛也知舊恨消除盡可有餘哀對落暉

贈梅次確庵師韻

紛紛似雪灑無聲石逕苔封策杖行香起暮鐘千  
樹靜影分春月一山晴幸當地僻容伊老特許人  
閑坐到明終願得君爲伴侶空林偃息看雲生

雨中嘲桃花

似惜朱顏映曲池柳邊風動粉離披可知源外艱

難甚冒雨衝煙笑向誰

玄墓晚興

山山旋繞似龍盤日落香林古寺寒却怪山僧渾  
不管讓他遊子往來看

靈巖懷古

日射香林雪一峯無端揮淚撫孤松霸圖剩有歡  
娛地史冊猶傳諍諫踪客座蹒跚依石蘚梵音消  
歇隔溪春山僧不管興亡事寂寞遺宮幾度鐘

山靜篇壽牧雲和尚

南方一古佛降生吳海隅海隅有虞山山靈而人  
殊吾師蘊靈秀胸含二酉書錦心兼繡口落筆淡  
滌紆忽地畏生死策杖覓衣珠辛勤十數載巖壑  
鎮跣趺風幡豁然覺賢聖即凡夫雞林親識面鹿  
苑一燈孤塵囂既無染顏貌逾清癯屈指降生歲  
今當六十餘虞人祝師年爲歌山靜篇仁以靜爲  
體山者仁之天師既如山靜其壽孰踰焉茫茫法  
界內人孰無其年夢人見醒者空慚華被顛安得  
解繫縛瀟洒皈金仙

確庵師過訪止宿兼辱贈言聊以奉訓

天公多仁愛暫與片土安水旱雖洊臻兵餘喜倖  
完但得事筆硯不暇患飢寒地僻聞見陋性拙鮮  
所干昨朝方刈穫沾體足未乾忽枉問津駕驚喜  
心乍寬低頭入蝸舍草草薦盤飧二子堂下拜一  
編几上看塵榻幸止宿話久忘夜闌晨興行稅駕  
椽筆揮素翰貽我五字詩捧讀顏自汗上勗崇明  
德下許附雲端不才謬珍愛何以報琅玕長願守  
耕讀相從上杏壇

秋日冒雨訪竇伯止宿村莊 確庵珣

積雨生百愁秋風響林木志士多苦心幽居俯  
山郭波光晶渺間芟蒲出茆屋門前五畝畦秔  
稻新結束扣門驚主人披衣秉殘燭寒暄各不  
言書卷對牕竹淡晨具雞黍日斜盡歛曲朝華  
不再妍雙丸何促速相期崇令名千秋以爲勗

奉贈中庵顧先生

雨歇林臯萬竹清柴扉秋水謁先生棲丘不問人  
間世詠月誰聞花外聲海納細流非愛大山標異

石豈邀名尋嘗莫敢窺山海未卜高深祇自驚

次荅

顧夢麀 麟士

湖南舍館入秋清尊酒同君意氣生人自坦牀  
推玉潤 竇伯隱 湖季聳 文從擲地識金聲翻因偃蹇成  
高蹈未必騫騰是重名不見蓼莪詩廢後墓門  
風鶴尚堪驚

哭臨桂伯 四首

浩然精氣澈三垣到死猶然戀至尊一十八朝培  
養厚惟公酬得萬年恩

大厦曾將一木支此心終不似山移霜戈虎韞重  
圍裏元老巖然坐賦詩

受命何堪正敗軍辛勤牖戶賴元勛傷心信國成  
仁後誰哭厓山海上君

奕世文章累搢紳地靈人傑自來真當年崧嶽生  
申甫未比虞山一个臣

城南舊宅 二首

一片荒基瓦礫高岑通狼籍壞牆均繡衣事業彫  
零盡慚愧人稱驄馬橋 橋以先御史得名

十二年前正亂離故巢傾覆乍分飛餘生莫話遼  
東鶴猶有人民未盡非

頂山道中

獨行天地曠日擁海雲昇風歇微聞鳥人稀多遇  
僧寒松踈落落冬嶺瘦稜稜但問有梅處攜筇不  
憚登

哭子茂 四首

屈指交君二十年談儒談道又談禪而今剩有因  
循恨儒道禪機盡渺然

自昔城西問疾時  
牀頭對泣話言遲  
匆忙一別成  
生死腸斷知音更有誰

雪似肝腸氣似雲  
惟君知我我知君  
可堪少壯消磨盡  
剩有無心對夕曛

憂患炎涼揔莫論  
傳心曾作古南孫

君得法於識德上人上人

為古南老人高座

衝霄志氣輕拋擲  
早赴無生華藏門

### 詠蘭

細葉蒙茸拂露輕  
一枝微放異香清  
縱然移出無人谷  
只在書牕傍日明

### 自君之出矣

二首

自君之出矣  
逝水不西迴  
思君如絳蠟  
淚盡始心

灰

自君之出矣  
花月總堪憎  
思君如積雪  
消却又成

冰



筠溪集

并序

海虞馮武竇伯

筠溪余所居也余性悅水竹厭城市丁亥初夏  
偶過東郭見江濱一區翳然林水修竹數十竿  
楚楚可愛遂家焉彈指已七換星霜矣流光似  
箭天道如弓慨歎之餘發爲吟咏不揆蕪陋輯  
而錄之將以就正有道乎己亥長至記

獻歲九日同家弟季胡詣湖橋祖塋拜先

憲副惺庵公墓下乘興登鵝鵠峯弔張

楚公戰場經水簾歷龍殿小憇中峯寺  
遂到三峯禪院循山麓抵破龍澗隨喜  
雨後之破山古刹薄暮而歸得往體詩六首今  
體詩三首

湖橋

春風兩岸吹荆杞壓浪石梁跨湖水當日開平龍  
戰處一片瑠璃浸山趾土人不識戰爭功但到中  
秋看月起橋彎似月月正中影落橋中月纍纍千  
古英雄安在哉人生幾度來看此

拜先憲副墓

一回瞻拜一淒其碧草春風石馬歸異代兒孫千  
古志前朝松檜萬年枝却慚貧賤當衰緒因想經  
綸遇聖時料得九京忠蓋在墓田愁見黍離離

鵝鴿峯

蒼巖寂歷風蕭蕭一堆寒玉積雲坳石勢凌空危  
欲去登崖四顧湖天高龍移神劈何年始人迹從  
來不到此自有山僧葺芷間年來不見羣鴿止

張楚公教戰場

昔日張楚公屯軍占山頂下瞰往來道敵軍不得  
騁後代城守者竒計不深醒更無塘距轍空有蛙  
在井至今登戰場陣陣山風猛

水簾

寒玉迸高巖垂垂掛似簾寒風捲簾山骨露蒼崖  
相激聲加怒我來不識是何地竚看白練鋪山翠  
一片殘碑立亂流摩挲猶有前朝字

龍殿

神龍托生破母腹母死骨藏虞山曲年年五月念

母歸虞農得兩稱常熟虞人敬祀之祠宇儼空谷  
松濤似龍吟澗聲似龍哭年來亢旱龍不知土人  
猶道龍難觸

中峯寺

喜得中峯寺入門松竹深兩三僧出定一二鳥同  
音日照花龕古雲過石逕陰老梅牆角外踈淡不  
依林

三峯禪院

聞說清涼院從來是祖庭因山高古殿爲月置空

亭佛日靜偏永松天遠倍青路逢求道者多負貝  
多經

破山寺

何年龍去空山破却向龍居建梵宇門堂深靜法  
王家齋廚鼓板當日午紛紛遊子肩相摩入山誰  
識山中趣君不見石幢剝落古檜空空留常尉題  
詩處

上元前雪庵種梅即事

一城絲管醉春陽誰愛寒梅獨遠將種罷驟添新

月影移來猶帶隔年香安排拳石須閑客布置橫  
枝待曉霜歷級丹梯同遠眺蕙樓芝閣有餘芳

師周有仲兄弟過話賦贈

小年且喜共昌昌此日相看鬢已蒼兩陸合應俱  
號雋二孫誰獨歎齊莊貧來不減千尋氣亂後唯  
添一倍狂惆悵醉鄉容易返江山牢落憶龍驤

雙蓮閣晚眺次梅仙韻

爽塏登臨地風天懶獨看童山蹲木末

時山木悉  
伐爲戰艦

戰艦接江干鳥沒雲天細鐘微水國寒憑軒吟思

足日下一牕殘

又次有仲韻

人煙不數武遂覺遠囂氛湖日亭亭去村春續續  
聞從橫平野路離合半天雲忽地迴風起驚濤似  
雪紛

戲示西河昆弟

英雄失志自猖狂乞食封侯兩不妨慚愧穆之貧  
賤日時來不敢問檳榔

江右蕭孟昉納寵金陵爲賦秦淮花燭詩

四首

千里潮聲赴石頭錦帆輕掃浪花浮停橈未入烏  
衣巷先向盧家問莫愁

蓬萊清淺似秦淮青雀迴期未有涯頃刻鵲成橋  
萬里香風先到讀書齋

花暖香和蜂蝶忙玉牕開扇見明璫盤雲最得陳  
王意不似城中墮馬裝

環珮嫋嫋怯步行蘭香休歎謫瑤京蕭郎一見珍  
於壁爭顧當年十二城

秋日四詠

秋色

鴻賓蛤化草初黃舉目山河已白藏  
小柿翻紅明遠岫薄霜結露照秋陽  
金波映水蒼葭動璧月穿雲紫桂香  
青女何心妬顏色彫殘風景倍淒涼

秋聲

萬籟迎秋忽覺悲長宵寥落暗淒淒  
其一枝蟬噪露交下千里砧聲心自知  
雲影帶風和樹散雁飛衝月唳空遲  
鳴蛩不住吟牕冷宋玉無端鬢已絲

秋影

殷雷溽暑曉來收爽爽晴空影欲流  
桐葉時通一片日暝雲斜去半山秋  
帆飛遠浦清風緊花映高巖白露浮  
獨立踈籬看月上從衡藻荇亂瓊鉤

秋香

爽爽金風夜未央月宮迢遞桂荒涼  
煙籠菊蕊侵霜冷露沃蘭芽出土香  
自是人間饒馥郁豈知天上更芬芳  
殘花敗草尋常味不及秋禾動夕陽

村居詩十五首

夾岸穠葩映水湄，纍纍荒塚幾平夷。  
侵田古樹年年翦，青草淒涼卧斷碑。

浮生浪迹寄煙霞，不道仙源路更遐。  
一葉漁舟憑蕩漾，村村流水有桃花。

五柳沿溪透短牆，依依偏引北風涼。  
一朝新雨春芽吐，嫩綠纔舒却似黃。

村墟斷續自成鄉，處處桃花拂短牆。  
老叟深春猶愛暖，檐前負日坐藜牀。

晴颺神旗傍古柯，如雷社鼓共婆娑。  
先農賽罷團

團坐枯蚌盛肴酒，滿螺

花蕊留香充雀飼，竹枝垂淚墮蓮衣。  
昔經遊處還如昨，屋後新桐已數圍。

雷逐電光宣怒意，風兼雨勢作威聲。  
千尋舊樹連巢覆，毛毳鶯雛羽未成。

吞舟不到釣魚磯，寂坐灘邊已息機。  
一陣回風翻芰葉，滿溪浴鳥帶驚飛。

日照荒郊雨未收，奇雲朵朵入溪流。  
笛聲嗚咽斜陽外，回首村童正跨牛。

荳苗不長草生齊  
白晝迢迢雨陣遲  
健犢日中時  
病喘前村遣子覓  
牛醫

寂寂琴橫一片石  
蕭蕭門卧兩寒樗  
車塵馬足非  
吾事曲几天然蚪  
蚪書

天心露重星文小  
水面風徐月影圓  
一葉衝煙人  
悄悄鄰家收稻夜  
深還

相傳古寺已名訛  
埋沒荒基見薜蘿  
屋角童童桑  
樹短卧龍根老歷  
霜多

落霞輝映一溪紅  
紫岫煙林暮色中  
捕得肥鱸湖

上返呼兒沽酒酌  
鄰翁

寒風颭颭暮雲平  
天宇無塵草舍清  
一丈寒冰三尺  
雪空村雞犬靜無  
聲

輓中庵先生四首

老際生辰不後先  
烽煙回首鎮淒然  
埋頭經史凌  
千古裹足城池屆  
十年孔室牆高明  
道日雍門聲  
斷喪文天傷心者  
舊彫零盡屈指寒  
松剩幾賢

温温顏色酒杯閒  
歷歷丰神宛昔年  
寒暑頓忘檐  
宇下笑談不倦蠟  
燈前長埋荆玉一  
坏土誰策龍



駒千里鞭從此嚴風秋雨夜傷心不忍讀遺編  
道緒傳聞久在茲髫年方幸得追隨文章一代憑  
題藻風雅千秋待解頤名教不長元禮任傳經難  
得伏生師可知劫火靈光在偏惱鈞天醉夢時  
一片冰心不染塵亂來誰與德爲鄰融通學識能  
知古真率襟期可對人半岳驟焉摧岫嶺中宵忽  
爾隕松筠平生辱許從几杖却恨因循淚滿巾

哭葉祖仁

名裕能詩歿亡

憶得交君始佩觿花前痛飲醉如泥依稀春夢餘

孤子落托浮生剩寡妻飲啄艱難悲澤雉羽毛零  
落痛山雞淒涼旅櫬經行處落葉紛紛古廟低

夢園四詠

晴春

新構園亭即水濠不離城巷亦迢遙牕前芳草春  
袍麗門外桃花駿馬驕半榻殘書欹枕畔一峯晴  
日下山腰謝公懶問人間世賭墅聲中白晝消

雨牕

聞道壺中別有天輕雲細霧總堪憐吟成遲客賡

新詠茶熟留僧試遠泉野馬無風苔路淨昔邪經  
兩鳥簷鮮朦朧遠樹鉤簾外不是斜川定輞川

積雪

朝來浙瀝暗相驚一帶城垣繞座明野水腹堅遊  
騎過戎樓風急角弓鳴庭深寒絮埋鴻跡芝受空  
鹽擁紫莖尊酒却思乘興者門前時望雪舟橫

坐月

藻荇交加踏亂流襟懷無繫似虛舟風因玄度恒  
當座月爲元規自入樓磬韻和燈來遠剝桂香乘

露起深秋何當得共羅公遠徙倚銀橋望九州

憺園作二首

早奏勛名賦遂初別開池館樂閑居安仁小築新  
添樹平子歸田懶羨魚風度女牆吹畫角溪明佛  
火隔林於長楊阿閣春深兩人境元來好結廬  
玉嶺臨軒風景踈別鉤礪水作名區一林弱棗和  
縹李數頃霜葵間紫芋柳聚春煙籠水曲廊迴秋  
閣抱城隅蒼生事業琴碁外新構東山似畫圖

月夜同師周賦

蒼涼孤月起空冥酒薄愁深醉易醒牛從雞尸非  
所志濁賢清聖可忘形煙波不著披裘客塵劫難  
憑貫月星是夕流星貫月莫歎年華同過隙寂寥堪慰草  
堂靈

次和

瞿師周

杯傾燭短夜冥冥月色無痕醉欲醒地近市城  
多犬吠樹經霜雪半龍形一尊自酌賢人酒四  
海誰占處士星世事不堪重惆悵九疑無計弔  
湘靈

感落花

殘紅墮白黷傷神風雨飄零又一春爲謝東君莫  
相顧韶光不屬失時人

余年十六登汲古閣又六年外舅命余按  
書其上如身在珠宮所見皆非人間寶  
也敬賦一篇以呈外舅非敢強作解事  
者亦以見海內之有此閣非偶然者爾  
大道在天地聖賢得其微微乎無所著發言標指  
歸經以明正學史以辨是非九流兼百氏玉屑自

霏霏上足益仁智下亦瞻文辭所以幾千載無不  
尊仲尼春秋與禮樂易象暨詩書闡發前人奧留  
爲傳述資水有星宿海山有崑崙魏後遇祖龍炬  
文教皆淪夷金刀啓炎運一改亡秦規始除挾書  
律廣闢獻書達帝命謁者農旁求天下遺絕學久  
無主紛紜競所師設官分繕寫向歆校其疑無何  
新莽亂七略盡焚之世祖起南陽文雅以開基儒  
生負帙至蘭臺日益滋是正文字者班傅總厥司  
靈帝熹平世五經靡所依諸儒共校定三體刊石

碑董賊驟移都圖書遭亂離小者爲勝囊大者爲  
車帷王公載無幾又復兵燹隨曹氏篡漢祚父子  
善羽儀鄭默掌研校收集盡公私典午接其武纒  
軸萃於斯荀勗定四部惜盡惠懷時劉裕平東晉  
殘編無足披復詔王祕書七志別其宜竟遭侯景  
寇蕩盡江東陞楊氏平陳土尚文猶未期阿廢嗜  
著述明與四海期一卷償匹帛寫訖仍自持異書  
出草萊典籍得整整釐修文三十萬大備實所希李  
唐貞觀中股肱悉瑰竒君臣交好古奄有隋所貽

集賢置學士鈔撰不少疲月給蜀麻紙歲給秋兔  
皮分書置四庫籤軸各異施未幾安史叛京國被  
瘡瘻散毀如雲煙文不復在茲文宗甫完輯黃巢  
動鼓鞞昭宗徙雒陽簡牘同見隳後唐長興間卷  
帙已久虧始從瀛王請雕刻用棗梨九經勅印賣  
儒林得共治有宋并吳蜀崇文煥門楣冊府八萬  
卷爲世作元龜靖康蒙塵際存亡無復知江東鼎  
遷久民間善刷削官書多魚魯私刻各參差有明  
掃元騎二祖秉乾維爰詔修大典文明發睿思兩

都貯板籍光彩耿星輝留都餘舊刻修補多更移  
燕京勅新梓古意杳難追彼蒼不悔禍宗社驟顛  
危穎宮鞠茂草天祿已傾圯吳下儒生家獨備諸  
典彛其志屈千古其居傍水麋謂從長興前寫本  
安可闕二宋旣雕板遺編或庶幾身外無所愛求  
書勝渴飢閱策遂雲集真贗莫可欺構閣顏汲古  
充棟而連榱武也時一登恍似入龍池瓊函與玉  
笈四面擁臯比慨念歷代書人間半陵遲又念歷  
代書未得恒久垂幸而聚善本何爲不共伊鳩工

晨夕鐫點勘髮成絲寒暑不少間五夜然青藜四  
十餘年間藏書海內推或曰晉唐世匠刻無能爲  
往往嗜古士手寫不爲罷今者得之易萬卷非所  
稀無復觀大義疇克號書櫥公曰姑舍是道廢已  
可悲願得廣所傳爲道作藩籬豈無好事者開卷  
有端倪

除夕

時兩兒皆遠婚婦家  
念我二人背養久矣

清尊紅燭夜如何回首雙丸去似梭兩處丁男離  
膝遠一週甲子過頭多由他裋褐長穿結伴我殘

編老坎珂明發空懷菽水在蕭蕭風樹傍檐阿

昔歲奏叔新壘假山成與香實汝堂諸君

子坐古梅下爇香試茗月下聯吟余忝

爲乘韋之先諸君或有繼者今星橋一

別斗柄三移復過其地不禁黃公酒壚

之歎重疊前韻寄奏叔

壺中別自有谿山山畔枝橫月影閒白石草深清  
露潤蒼苔花點碧雲斑昔容嵇阮參觴咏今見羊  
求共往還吹得香風猶咫尺芝蘭滿地不教刪

慈封二首為孝維母氏葬處

春風吹寒岡嶺梅吐芳早我來探梅信策杖山南

道枝橫馬鬣封春威起林杪孝子感霜露時來香

雪林林中雙白鶴為寫哀怨心

嶺梅

虞山饒靈泉因泉作幽宅香骨照寒潭一雨谿山

碧我感蘇門裔淒淒坐泉石石隙古松濤欲靜風

不息

寒潭

次和虞牧雨村即事

紛紛蟻鬪壁門開早慶方耕雨欲來草帶細看同

碧柳秧鍼遠望擬蒼苔煙籠杼柚莎雞出霧起鋤

犁布穀催插徧良苗來共飲科頭浮白更無猜

詠懷 三首

兩弟單兄勢似鐺堪嗟有硯不同耕薛包自問雖

無愧爭及田家一紫荆

少小何堪學荷鋤飢來難保舊詩書每當土鏟無

煙際長愧鄰家稻櫛如

短褐何由換紫茸茆簷青女又重封東皇自有黃

襖子徧與貧家過一冬

野子歸巢金雀全圖一茶

野子歸巢金雀全圖一茶

野子歸巢金雀全圖一茶

野子歸巢金雀全圖一茶

野子歸巢金雀全圖一茶

野子歸巢金雀全圖一茶

野子歸巢金雀全圖一茶

野子歸巢金雀全圖一茶

野子歸巢金雀全圖一茶

野子歸巢金雀全圖一茶





